



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1185/25-I
Brčko, 13.10.2025. godine

Z A P I S N I K
sa 129. vanredne sjednice Pravosudne komisije Brčko distrikta BiH
održane 13.10.2025. godine u 08,30 sati sa slijedećim

D n e v n i m r e d o m

1. Amandmani poslanika na prijedlog Zakona o izmjenama i dopuni Zakona o Sudskoj policiji Brčko distrikta BiH
(izvjestilac: **Rade Mitrović**)
2. Zaključivanje Ugovora o volonterskom radu na određeno vrijeme
(izvjestilac: **Rade Mitrović**)
3. Razno

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. RADMILO IVANOVIĆ, v.d. glavnog tužioca Tužilaštva Brčko distrikta BiH,
4. DEJAN ĐUROVIĆ, pravobranilac Pravobranilaštva Brčko distrikta BiH,
5. MILIVOJE VASIĆ, član Komisije iz reda građana,
6. MEHMED BEČIĆ, član Komisije iz reda građana, putem telefona,
7. IVAN LOVRIĆ, član Komisije iz reda građana,
8. MIRSAĐ ĆEMAN, predsjednik Ustavnog suda BiH, putem telefona.

Sjednica je počela u 08,33 sati.

Predsjednik Komisije konstatuje se da sjednici prisustvuje 8 članova Komisije, i da je opravdano odsutan član Dragan Tomaš, predsjednik Osnovnog suda BD BiH.
Sjednici prisustvuje i sekretar Komisije, Rade Mitrović.

Predsjednik Komisije otvara 129. vanrednu sjednicu Pravosudne komisije s predloženim dnevnim redom.

Konstatuje se da je Komisija jednoglasno i bez primjedbi usvojila predloženi dnevni red.

Prelazi se na prvu tačku dnevnog reda.

1. Amandmani poslanika na prijedlog Zakona o izmjenama i dopuni Zakona o Sudskoj policiji Brčko distrikta BiH

Sekretar Komisije je izvršio obrazloženje tačke dnevnog reda te je istakao da su Pravosudnoj komisiji Brčko distrikta BiH, dana 08.10.2025. godine, aktom Stručne službe Skupštine Brčko distrikta BiH, broj: 02.01-05-1866/25 od 08.10.2025. godine, dostavljeni su amandmani na Nacrt zakona o izmjeni i dopunama Zakona o sudskoj policiji Brčko distrikta BiH, predloženi od strane Klubova poslanika. Predmetnim amandmanima predložene su izmjene i to, kako slijedi:

„AMANDMAN 1:

U nacrtu zakona o izmjeni i dopunama Zakona o Sudskoj policiji Brčko distrikta Bosna i Hercegovine iza člana 2 dodaje se novi član 3 koji glasi:

Član 3

„U članu 12 stavu 1 Zakona o sudskoj policiji Brčko distrikta BiH iza riječi „sličnim poslovima“ briše se interpunkcijski znak tačka i dodaju se riječi: „ili petnaest (15) godina radnog iskustva u policijskim agencijama.“

AMANDMAN 2:

U Nacrtu zakona iza novog člana 3 dodaje se novi član 4 koji glasi:

Član 4

U članu 77 stavu 1 tački b) Zakona o sudskoj policiji Brčko distrikta Bosne i Hercegovine broj: „27“ zamjenjuje se brojem: „35“.

Dosadašnji član 3 Nacrta zakona postaje član 5.“

Nakon obrazloženja sekretara Komisije i provedene diskusije, Komisija jednoglasno donijela zaključak da se Skupštini Brčko distrikta BiH dostavi sljedeće izjašnjenje:

„U skladu sa odredbom člana 127 Poslovnika o radu Skupštine Brčko distrikta BiH ("Sl. glasnik Brčko distrikta BiH", br. 54/2018 - prečišćen tekst, 17/2020, 24/2020 i 9/2022 - odluka AS) Pravosudna komisija Brčko distrikta BiH izražava neslaganje sa dostavljenim Amandmanom I na prijedlog Zakona o izmjeni i dopunama Zakona o sudskoj policiji Brčko distrikta BiH. Naime, predmet pomenute izmjene i dopuna Zakona o sudskoj policiji Brčko distrikta BiH, a koji nacrt je u prvom čitanju usvojen na sjednici Skupštine Brčko distrikta BiH,

jeste zapošljavanje policijskih službenika iz drugih policijskih organa, uslovi za prijem policijskih službenika iz drugih policijskih organa, ekvivalenti činu policijskog službenika Sudske policije i godišnji odmor i odsustva. Ove izmjene i dopune Zakona o Sudskoj policiji Brčko distrikta BiH, prevashodno su usmjerene na propisivanje prijema policijskih službenika iz drugih policijskih organa, tako da pored redovne procedure zapošljavanja i prijema u radni odnos, zakonom bude propisano i zapošljavanje policijskih službenika Sudske policije iz drugih policijskih organa. Poslovnik o radu Skupštine Brčko distrikta BiH, članom 126, propisuje da se amandman na nacrt zakona koji se razmatra u Skupštini može odnositi samo na član nacrta zakona koji je usvojen u prvom čitanju u Skupštini. Naime, Amandmanom I predložena je izmjena člana 12 stav 1 Zakona o sudskoj policiji Brčko distrikta BiH, koji nije niti mijenjan niti dopunjen prijedlogom Zakona o izmjeni i dopuni Zakona o sudskoj policiji Brčko distrikta BiH, te bi se takvim postupanjem intervenisalo u dijelu koji uopšte nije bio predmet pomenutih izmjena, što bi dovelo do pravne nesigurnosti, jer bi se stvorio prostor da se kroz amandman u zakon inkorporira nešto novo što nije bilo predmetom konsultacija. Takođe, a u vezi sa predloženim Amandmanom I koji predviđa da se uslovi za imenovanje komandira postave alternativno, odnosno, da za komandira Sudske policije može biti imenovano lice koje ima visoku školsku spremu ili završen prvi ciklus studija s ostvarenih najmanje 240 ECTS bodova i najmanje sedam (7) godina rukovodnog radnog iskustva u policijskim agencijama na istim ili sličnim poslovima, ili 15 (petnaest) godina radnog iskustva u policijskim agencijama, valja naglasiti da je predmetno pitanje regulisano po uzoru na Zakon o policiji Brčko distrikta BiH, koji kao uslove za imenovanje šefa policije propisuje, između ostalog, i činjenicu da navedeno lice mora imati najmanje tri godine rukovodnog radnog iskustva, u činu glavnog inspektora ili višem činu. Takođe, Visoko sudsko i tužilačko vijeće BiH, je tokom sjednice održane 9. i 10. aprila 2025. godine u Sarajevu, jednoglasno usvojilo Strategiju o sigurnosti/bezbjednosti pravosuđa u Bosni i Hercegovini sa akcionim planom za njenu provedbu, čiji cilj je unapređenje stanja sigurnosti u bh. pravosuđu. Strategija obuhvata, između ostalog, i ličnu bezbjednost nosilaca pravosudnih funkcija, čiji glavni nosilac je upravo sudska policija. Pomenutim amandmanom 1 stvorila bi se mogućnost da se za obavljanje poslova komandira sudske policije propisuju blaži uslovi, odnosno, da za komandira sudske policije bude imenovano lice koje uopšte ne posjeduje rukovodno radno iskustvo.

U vezi sa Amandmanom 2, stav Pravosudne komisije Brčko distrikta BiH, jeste da se u predmetnom pitanju, može primijeniti član 126 Poslovnika o radu Skupštine Brčko distrikta BiH, koji predviđa izuzetak, odnosno, mogućnost ulaganja amandmana na član zakona koji nije usvojen u prvom čitanju, ako izmjene nacrta zakona koje su usvojene u prvom čitanju imaju uticaj na primjenu tog člana zakona, jer se članom 78 b Zakona o izmjeni i dopunama Zakona o sudskoj policiji Brčko distrikta BiH, upravo i propisuju uslovi za imenovanje policijskih službenika iz drugih policijskih agencija, te se istim pominju i opšti uslovi iz člana 77 Zakona o sudskoj policiji Brčko distrikta BiH.“

2. Zaključivanje ugovora o volonterskom radu sa Irfanom Imamovićem, volonterom u Tužilaštvu Brčko distrikta BiH

Nakon obrazloženja, Komisija jednoglasno zaključuje

Ugovor o volonterskom radu
na određeno vrijeme sa punim radnim vremenom

Na radno mjesto volontera u Tužilaštvu Brčko distrikta BiH, prima se Irfan Imamović, sin Bajre, iz Brčkog.

Imenovani se prima na određeno vrijeme, počev od 15.10.2025. godine pa do 15.10.2027. godine, odnosno do ispunjavanja uslova za polaganje pravosudnog ispita, a najdalje do dvije godine.

3. Razno

Kako se niko više nije javio za riječ konstatuje se da je 129. vanredna sjednica Komisije završena u 08,43 sati.

Zapisnik vodila
Nataša Kovač

Predsjednik
Pravosudne komisije

Safet Pizović